



## Aningaasaqarnermut Naalackersuisoq

Ulloq: 1. nov 2012

J.nr.: 01.31.06/12-00601

### **Aningaasaqarnermut Ataatsimiititaliap ataasinngornermi ulloq 29. oktober 2012-imi aalajangiineranik Naalackersuisunut ilisimatitsineq (suliaq nr. 01.31.06/12-00601)**

- **Kontomi pingaarnermi 75.86.20-mi, Avatangiisinut sanaartukkanut tunngasumi, aamma kontomi pingaarnermi 75.86.21-imi, Mingutsitsaaliuineranut atortunik sanaartornermut tunngasumi, sulianik inaarsaaneq**

Naalackersuisut **inassutigaa**;

- kontomi pingaarnermi 75.86.20-imi, Avatangiisinut sanaartukkanut tunngasumi, suliasamat nr. 996.14.102-mut, Tigooqqaavinnik pilersitsineranut tunngasumut, aningaasaliissutit 0,184 mio. kr.-inik ikilineqassasut, aamma
- kontomi pingaarnermi 75.86.21-imi, Mingutsitsaaliuineranut atortunik sanaartornermut tunngasumi, suliasamat nr. 124.13.027-imut, Ilimanami ikuallaavimmut tunngasumi, aningaasaliissutit 0,122 mio. kr.-inik ikilineqassasut, aamma suliasamat nr. 143.13.047-mut, Kangerlummi ikuallaavimmut tunngasumut, aningaasaliissutit 0,093 mio. kr.-inik ikilineqassasut, aamma
- kontomi pingaarnermi 80.00.10-mi, Sanaartugassanut Iluarsagassanullu Aningaasaateqarfimmit utertitanut tunngasumi, aningaasaliissutit 0,399 mio. kr.-inik amerlineqassasut.

### **Aningaasaqarnermut Ataatsimiititaliap oqaaseqaatai**

Avatangiisinut tunngasuni sanaartukkat pisoqaanerit arlallit naammasineqarnissaat Naalackersuisut suliami matumani qinnutigaat.

Inassuteqaatit nunatta karsianut kinguneqassanngitsut isummernissamat tunngavissiami allassimasoq ataatsimiititaliamit maluginiarneqarpoq. Tamannali eqquingilaq, tassa inassuteqaatit akuerineqarnerat 2012-imi Sanaartugassanut Iluarsagassanullu Aningaasaateqarfiup isertitaqarneranik nassataqassamat.

Konto pingaarnermut 75.86.20-mut, Avatangiisinut sanaartukkanut tunngasumut, missingersuutitut ilanngussami allassimavoq suliasamat 996.14.102-mut, Tigooqqaavinnik pilersitsineranut tunngasumut, aningaasaliissutaaqqaartut 0,5 mio. kr.-iusimasut. Uuliakunut umiarsualivinni tigooraaviit pillugit naliliinissamat Naalackersuisut

“isumalluutissaqarsimannginnerat” piussutigalugu suliamit 184.000 kr.-it utertinneqarput. Tamanna ataatsimiititaliamit eqqumiigineqarpoq, tamannalu tunngavigalugu suliap naliliiffiginissaanik Sanaartornermut Avatangiisinullu Ataatsimiititaliaq kaammattorlugu.

**Aningaasaqarnermut Ataatsimiititaliap aalajangiinera**

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput.**

Aningaasaqarnermut Ataatsimiititaliaq sinnerlugu

Andreas Uldum  
Ataatsimiititaliap siulittaasua

**Assilineri:** Sanaartornermut Avatangiisinullu Ataatsimiititaliaq